

104 2. Um kwst.mæli til fiskiðnaðar, ef uppsett rafvélaafl fastra véla er yfir 40 kw.:  
6. júní

Fyrstu	50 þús. kwst. ársnotkun á 42 aura hver kwst.
Næstu	100 — — — — 38 — — —
Næstu	100 — — — — 33 — — —
Umfram	250 — — — — 29 — — —

Rafveitan áskilur sér rétt til að rjúfa straum allt að 2 stundum um hádegi og 1 stund að kvöldi.

Gjaldskrárbreyting þessi staðfestist hér með samkvæmt raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Atvinnumálaráðuneytið, 6. júní 1950.*

**Hermann Jónasson.**

*Þorv. K. Þorsteinsson.*

105  
8. júní

## REGLUGERÐ

fyrir vatnsveitu Ísafjarðarkaupstaðar.

1. gr.

Öll framkvæmdastörf, er vatnsveituna snerta, felur bæjarstjórn bæjarráði kaupstaðarins.

2. gr.

Af öllum húsum í lögsagnarumdæmi kaupstaðarins, sem virt eru til fasteignaskatts, og vatni er veitt í eða úr næst til vatnsæða í götu, vegi eða opnu svæði, er lóð þeirra telst til, skal greiða vatnsskatt. Skatturinn skal lagður á eftir hinni lögskipuðu fasteignamatsvirðingu húsanna, að undanskildu virðingarverði lóðanna. Skattinn skal einnig greiða af virðingarverði fastra véla, sem í húsinu eru, ef þær eru vátryggðar ásamt því.

3. gr.

Af öllum húsum í lögsagnarumdæmi kaupstaðarins, sem svo er ástatt um, sem um getur í 2. gr. reglugerðar þessarar, skal greiða vatnsskatt að upphæð 10 af þúsundi fasteignamatsverðs. Þó skal af húsum, sem að dómi bæjarstjórnar nota vatn til annars en til venjulegra heimilisþarfa vegna atvinnu, sem í þeim er rekin og útheimtir mikið vatn, greiðast vatnsskattur 30 af þúsundi fasteignamatsverðs.

4. gr.

Fyrir öll önnur vatnsnot skal greiða sem hér segir:

- Fyrir vatn til skipa kr. 7.00 fyrir hverja smálest, ef tekið er yfir 20 smálestir, ella kr. 8.00. Þó sé aldrei greitt minna í hvert skipti en kr. 15.00 fyrir fiskiskip og kr. 30.00 fyrir öll önnur skip.
- Fyrir vatn í síldar- og kjötpækil 15 aurar fyrir hverja tunnu síldar eða kjöts.
- Fyrir vatn til fiskþvotta, frystihúsa og verksmiðjureksturs heimilast bæjarstjórn að krefjast greiðslu samkvæmt vatnsmælum og skal þá greiða allt að 90 aura fyrir hverja smálest upp að 1000, en 50 aurar hverja smálest, sem umfram er.
- Enginn má setja hreyfivélar í samband við vatnsæðar án leyfis bæjarráðs.

## 5. gr.

Nú hrökkva ekki tekjur vatnsveitunnar fyrir gjöldum, og getur þá bæjarstjórnin ákveðið fyrir eitt ár í senn að hækka vatnsskatt þennan um allt að 20%.

105

8. júní

## 6. gr.

Gjalddagi á vatnsskatti húseigenda skal vera 1. apríl ár hvert, en á vatni til atvinnureksturs við lok hvers mánaðar. Vatn til skipa skal, eins og fyrr segir, greiða við afhendingu og einnig vatn til atvinnureksturs, sem starfar um stundarsakir. Vatnsskatt má taka lögtaki, og má gera lögtak í hinu skattskylda húsi, án tillits til eigendaskipta. Skatturinn nýtur lögveðsréttar í húseigninni næstu tvö ár eftir gjalddaga með forgöngurétti fyrir hvers konar sammingsveði og aðfararveði.

## 7. gr.

Hverjum húseiganda ber að greiða allan kostnað við lagningu vatnsæða úr götulögnum bæjarins að húsvegg. Bæjarstjórnin löggildir menn, er hún telur hæfa, og svo marga, er henni þurfa þykir, til þess að leggja vatnsæðar þær, er vatnsveitan eða einstakir menn eiga að kosta, og setja þær í samband við vatnsæðar bæjarins, og séu þeir skyldir að hlíta vinnukauptaxta þeim, sem bæjarstjórnin kann að setja, og að öðru leyti fara eftir reglum þeim, er bæjarstjórnin setur. Engir aðrir en þeir, sem þannig hafa fengið löggildingu, mega leggja æðar frá vatnsveitunni í hús eða um þau, eða gera breytingar á vatnsæðunum.

## 8. gr.

Skylt er hverjum húseiganda eða lóðareiganda að halda vatnsæðum sínum vel við og láta tafarlaust gera við þær, ef leki kemur að þeim eða þær bila. Hann skal sérstaklega gæta þess, að ekki frjósi í æðunum. Enginn má eyða vatni að óþörfu.

## 9. gr.

Bæjarráði, umsjónarmanni og löggiltum innlagningarmönnum er heimilt að fara um hús manna, þar sem vatnsæðar liggja, til þess að athuga þær og tæki þau og mæla, er sett eru í samband við þær. Ef þeim þykir útbúnaði að einhverju ábótavatn, skal tafarlaust bæta úr því á kostnað eiganda.

## 10. gr.

Bæjarstjórninni er heimilt að loka vatnsæðum fyrir þeim, er vanrækja að gera við leka í pípum eða tækjum, sem í sambandi eru við þær, eða eyða vatni að óþörfu, svo og fyrir þeim, sem ekki greiða á réttum gjalddaga vatnsskatt, efni, vinnu eða annað, sem vatnsveitan kann að leggja til um stundarsakir.

Fullan vatnsskatt ber einnig að greiða fyrir þann tíma, sem vatnsæðum er lokað.

## 11. gr.

Engum er heimilt, án leyfis bæjarráðs eða þess, er bæjarráð felur umsjá með vatnsveitunni, að taka vatn úr brunahönum vatnsveitunnar.

## 12. gr.

Brot á reglugerð þessari varða sektum allt að 500 krónum, nema þyngri refsing liggji við að lögum.

Reglugerð þessi, sem samin er og samþykkt af bæjarstjórn Ísafjarðar, staðfestist hér með samkvæmt vatnalögum nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og fellur þá jafn-

**105** framt úr gildi reglugerð fyrir vatnsveitu Ísafjarðarkaupstaðar, nr. 15 13. jan. 1941, 8. júní með breytingum nr. 83 12. apríl 1943 og nr. 20 29. febr. 1944.

*Félagsmálaráðuneytið, 8. júní 1950.*

F. h. r.

**Jón S. Ólafsson.**

*Hallgrímur Dalberg.*

**106**

12. júní

## REGLUGERÐ

**um viðauka við reglugerð nr. 82 31. júlí 1947, um fjárhagsráð, innflutningsverzlun, gjaldeyrismeðferð og verðlagseftirlit.**

Samkvæmt heimild í lögum nr. 70 5. júní 1947, um fjárhagsráð, innflutningsverzlun og verðlagseftirlit, er hér með sett eftirfarandi reglugerð.

### 1. gr.

Hér eftir er bannað að flytja til landsins hvers konar vörur, nema þær hafi verið greiddar seljanda eða gjaldeyris til greiðslunnar hafi verið tryggður gegnum banka, áður en varan er send til landsins. Gildir þetta jafnt þótt innflutnings- og gjaldeyrisleyfi hafi þegar verið veitt fyrir vörunum.

### 2. gr.

Engar vörur má tollafgreiða, nema framvísað sé kaupreikningi með áritaðri kvittun seljanda fyrir greiðslunni eða með áritun banka um að varan sé greidd eða greiðsla tryggð í erlendum gjaldeyri.

### 3. gr.

Bankarnir skulu hafa eftirlit með því að erlendar innheimtur, sem til þeirra eru sendar, fullnægi ákvæðum reglugerðar þessarar. Sé innheimtum ekki gerð skil innan 30 daga frá komudegi og ekki liggja fyrir yfirfærslutrygging, skal tilkynning um það send gjaldeyriseftirlitinu, sem lætur rannsaka málið og tilkynnir síðan fjárhagsráði, ef það telur að um brot sé að ræða.

### 4. gr.

Þeir, sem eiga vörur á leiðinni til landsins, pantaðar gegn löglegum leyfum, þegar reglugerð þessi gengur í gildi, skulu ekki teljast brotlegir við ákvæði hennar, þótt greiðsla á þeim vörum hafi ekki verið tryggð. En skylt skal þeim, ef þess er krafist, að færa sönnur á, að vörunar hafi verið sendar af stað frá seljanda áður en hún gekk í gildi.

### 5. gr.

Undanþegnar þessari reglugerð eru sendingar allt að 500 krónur að verðmæti, enda séu lögð fram skilríki eða á annan hátt færðar sönnur á, að um gjöf sé að ræða.

### 6. gr.

Brot gegn ákvæðum reglugerðar þessarar varða refsingu samkvæmt 22. gr. laga nr. 70 5. júní 1947.

### 7. gr.

Reglugerð þessi öðlast þegar gildi.

*Viðskiptamálaráðuneytið, 12. júní 1950.*

**Björn Ólafsson.**

*Þórhallur Ásgeirsson.*